



SSI Them Nyiaj Tshaj

SSI Overpayments

Qhov SSI them nyiaj tshaj yog dabtsi?

Raug them tshaj txhais tias koj tau nyiaj SSI ntau tshaj qhov koj yuav tsum tau. Qhov no tshwm sim vim koj lossis Social Security ua ib qhov yuam kev. Txawm tias yog lawv ua yuam kev los, Social security muaj feem hais kom koj them cov nyiaj rov qab.

Kuv yuav ua li cas thiaj maim dhau qhov them nyiaj tshaj?

Qhia cov kev hloov rau Social Security tam sim ntawm. Txawm koj qhia rau lawv tam sim ntawm los, tej zaum daim tshev twb xa tuaj ua ntej hloov tau qhov nyiaj.

Ces koj tau txais cov nyiaj tshaj.



Tej yam piv txwv tshwm sim thiaj tau them nyiaj tshaj yog:

- sib yuav
- cov nyiaj tau los hloov
- pib lossis tawm ib txoj hauj lwm
- mus pws hauv tsev kho mob
- tus ntxij nkawm xiam, lossis
- tau ib pob nyiaj ntau los, xws lis nyiaj isala lossis nyiaj los ntawm tsheb sib tsoo

Yog koj xav tias tej yam li no yuav tshwm sim, mus nhriav tswv yim los ntawm kws lij choj los pab kom koj maim qhov raug them nyiaj tshaj. Khaws cov povthawj thaum koj qhia cov khoom hloov. Luam ib co rau koj khaws cia lossis sau tseg tias koj nrog leejtwgtham tom Social Security.

Dabtsi yuav tshwm sim yog lawv them nyiaj tshaj tuaj rau kuv?

Social Security yuav kom koj them cov nyiaj rov qab. Lawv muaj feem qhia cov nyiaj them tshaj rau qhov chaw tiv nqi (credit bureau) kom nyob ntawm koj daim ntawv keebkwm nuj nqi.

- SSI muaj feem hais kom koj ua ib zaug them tag nrho cov nyiaj rov qab, lossis ua zuj zus them rov qab. Koj tsis tas pom zoo rau qhov no.
- Lawv muaj feem rho qhov nyiaj tawm ntawm koj daim tshev SSI. Lawv muaj feem rho txog li 10% ntawm koj daim tshev. Qhov no hu ua “recoulement” muab rov qab.
- Lawv muaj feem rho tawm koj cov nyiaj se los ntawn tsoomfwv lossis lwm yam nyiaj uas tsoomfwv tiv koj lossis tiv koj tus txij nkawm. Tab sis lawv tsis ua qhov no yog koj tseem tau SSI.
- Lawv muaj feem foob koj hauv tsev hais plaub rau cov nyiaj them tshaj thiab ntxiv tus nqi hais plaub. Lawv tsis ua qhov no yog koj tseem tau SSI.

Yuav ua li cas yog qhov nyiaj them tshaj tsawg tsawg xwb?

Yog tsawg tshaj \$1,000, Social Security yuav tsis kom koj them cov nyiaj rov qab, yog koj thov lawv kom tsis txhab ua li. Qhov no hu ua “administrative waiver” kev tswj hwm kev zam. Koj hu tau thiab thov Social Security rau qhov kev zam no. Koj tsis tas yuav sau ib co ntaub ntawv.

Yog Social Security rho nyiaj tawm ntawm kuv daim tshev ne?

Koj muaj feem ua tau cov no:

- **Pom zoo them rov qab thiab teem a qhov kev maj mam them rov qab.** Ua li no koj thiab li tswj tau cia lawv rho ntau npaum li cas tawm hauv koj daim tshev. Saib lawv puas kam rho tsawg tshaj 10% ntawm ib daim tshev.

Cim cia: qhov tsawg tshaj lawv pom zoo rho yog \$10 ib hli. Koj muaj feem thov them ib tug nqi txawv rov qab es tsis tau yuav ua ib co ntaub ntawv yog koj tau lwm yam kev pab nyiaj ntsuab xws li MFIP, MSA lossis VA.

- **Rov hais dua.** Yog koj xav tias lawv tsis tau them tshaj rau koj, koj muaj feem rov hais dua. Ua ntaub ntawv foob rov qab hais dua tam sim no. Saib peb daim ntawv qhia tseeb [SSI Kev Tawm Tsam](#), yuav qhia ua li cas rau qhov no.

- Koj muaj **10 hnub** los rov hais dua tom qab koj txais daim ntawv ceeb toom yog koj xav kom cov nyiaj ntawm koj daim tshev nyob li qub rau lub caij koj rov hais dua.
- Koj muaj **60 hnub** los rov qab hais dua tom qab koj txais daim ntawv ceeb toom, lossis koj poob txoj cai rov los hais dua.



Cim cia: Social Security yuav xav tias koj tau txais tsab ntawv ceeb toom 5 hnub tom qab hnub tim hauv tsab ntawv. Koj muaj feem sim rov thov dua tom qab 60 hnub tiamsis koj yuav tsum muaj povthawj hais tias koj muaj ib qho kev tseemceeb thov dua lij.

- **Thov kom lawv “zam tsis them.”** Txais tau tias yog lawv them nyiaj tshaj rau koj, koj yuav tsis tau them rov qab. Yog koj tsis muaj nyiaj them cov nyiaj rov qab, ua daim ntawv thov zam tsis them tam sim no. Yog koj ua daim ntawv ua ntej 30 hnub thaum txais lawv tsab ntawv them nyiaj tshaj, Social Security rho tsis tau koj cov nyiaj tawm ntawm daim tshev txog thaum koj mus ntsib nrog lawv. Yog lawv twb pib rho nyiaj tawm, ua daim ntawv thov zam tsis them yuav nres qhov lawv rho nyiaj ntxiv txog thaum lawv txiav txim. Lawv yuav tsum muab qhov zam tsis them rau koj yog **cov nyiaj them tshaj tsis yog tim koj, thiab:**
- Nws yuav tsis ncaj ncees yuam koj them rov qab (piv txwv, koj tsis muaj nyiaj them rov qab, thiab nws yog ib yam kev txom nyem), lossis

- Cov nyiaj them tshaj tsawg thiab tsis tsim nyog siv lub sijhawm thiab lub zog los sau cov nyiaj rov qab.

Cim cia: Yog cov nyiaj them tshaj tshwm sim los ntawm cov nyiaj koj tau nyob rau lub caij koj rov hais dua, cov kev cai ntawm txawv. Tiv tauj Legal Aid ntawm [1-\(877\) 696-6529](tel:1-877-696-6529) yog xav paub ntxiv.

Koj muaj feem ua ntaub ntawv rov hais dua thiab thov kev zam tsis them ua ke tau. SSA tsis muaj cai tuav koj cov nyiaj thaum tseem rov hais rooj plaub dua lossis tos thaum lawv txiav txim rau qhov kev zam.



Yuav ua li cas yog kuv swb kuv rooj plaub rov hais dua?

Yog lawv tsis pom zoo koj rov hais dua thawj zaus koj thov vim them nyiaj tshaj rau koj thiab zam tsis them rov qab, koj muaj feem rov hais dua ntxiv. Saib peb daim ntawv qhia tseeb, [SSI Kev Tawm Tsam](#).

Cov ntawv Qhia Tseeb yog qhia kom paub txoj kevcai xwb TSIS yog muab txwv yim txog txoj kevcai. Mus ntsib ib tug kws lij choj rau tswv yim. Tsis txhob siv daim ntawv qhia tseeb yog tias nws qub tshaj ib xyoos lawm. Nug peb txog cov hloov tshiab, daim ntawv qhia txog cov ntawv qhia tseeb, lossis lwm hom ntawv.

© 2025 Minnesota Legal Services Coalition. Luam tau daim ntawv no los siv rau tus kheej tsis ua lag luam thiab qhia kom paub xwb. Tagnrho lwm cov cai ceev tseg. Qhov lus sau no yuav tsum nyob rau txhua daim ntawv. Txwv tsis pub muab luam, faib, thiab siv ua lag luam.